



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
Savjet za lokalni ekonomski razvoj

Broj: 02-49-2-314/17-2
Datum: 19.10.2018. godine

Predmet: Godišnji izvještaj o radu Savjeta za lokalni ekonomski razvoj (SLER) Općine Tešanj za period 01.01.2017.-31.12.2017.godine

Savjet za lokalni ekonomski razvoj (SLER) je savjetodavno tijelo i predstavlja formalan i organiziran način za javno-privatni dijalog. SLER u Općini Tešanj uspostavljen je konstituirajućom sjednicom 15.09.2014. godine. Na istoj sjednici je usvojen Poslovnik rada, Plan rada i imenovan zamjenik predsjedavajućeg Savjeta. Poslovnikom rada SLER-a predviđeno je održavanje najmanje 4 sjednice u toku jedne kalendarske godine, odnosno po jedna svakog kvartala. SLER broji 15 članova od kojih su 7 predstavnika iz javnog sektora, 7 predstavnika iz privatnog sektora i jedan predstavnik nevladinog sektora.

Do početka 2017.godine je održano pet sjednica na kojima su raspravljane različite teme u skladu sa usvojenim godišnjim planovima.

Godišnjim planom za period 01.01.2017.-31.12.2017. godine predviđeno je održavanje 4. sjednice sa slijedećim tačkama dnevnog reda:

I kvartal	Realizacija
- Usvajanje plana rada SLER-a za 2017.godinu	✓
- Informacije o ulaganju u poslovnu infrastrukturu-osvrt 2016. i plan za 2017.	✓
- Program općinskih poticaja za 2017.	✓
II kvartal	
- Tematska sjednica: Analiza usklađenosti obrazovnog sistema sa potrebama tržišta radne snage- diskusija o nalazima, preporukama i smjernicama za dalje aktivnosti - realizovano	✓
III kvartal	
- Informacija o projektima Općine (MEG, UNDP,...)	✓
- Predstavljanje projekta „Povećanje prihoda ranjivih skupina kroz porodičnu poljoprivrednu proizvodnju“	✗
- Rezultati projekta COBEAR	✗
- Informacija o nagradama za najbolje poslovne ideje mladih	✓
IV kvartal	
- Informacija o realizaciji općinskih poticaja	✗
- Informacija o pripremi projekata javno-privatnog partnerstva sa	✗

područja općine Tešanj	
- Prijedlozi projektnih ideja za međunarodne fondove i donatore	*

U skladu sa aktuelnim temama i događajima, u toku godine su napravljene određene izmjene u Godišnjem planu, pa je u III. kvartalu odnosno na VIII. sjednici umjesto predložene dvije tačke dnevnog reda, uvrštena nova tačka: Informacija o PR Glinište. Uzimajući u obzir navedeno realizacija plana za 2017.godinu iznosi 70%. Bitno je napomenuti da IX. Sjednica SLER-a nije održana zbog nepostojanja kvoruma iako je sazivana 3 puta, te da je realizovana tek u toku 2018.godine.

Na VI. sjednici SLER-a koja je održana 10.02.2017.godine raspravljalo se o tačkama dnevnog reda predviđenim planom za 2017.godinu. Sjednici je prisustvovalo 13 od 15 članova, te nakon rasprave po svakoj od tačaka dnevnog reda, predložene su i 2 nove inicijative:

- Izgradnja brze ceste uz rijeku na pravcu od Gradske toplane do firme Nordent u cilju rasterećenja postojeće ceste i zone stanovanja, unaprijeđenje teretnog saobraćaja, proširenje industrijske zone i kvalitetnijeg spajanja na kružni tok
- Uspostaviti novi pristup otvaranju industrijskih zona kroz kupovinu kompletnog zemljišta namjenjenog za jednu industrijsku zonu, umjesto dosadašnje kupovine parcela

Aktivnosti po pitanju inicijativa:

- Inicijativa razmotrena, ali zbog izgradnje treće trake u industrijskoj zoni i proširenja čitave zone, trenutno nije verificirana potreba. Prijedlog je kroz izradu novog Prostornog plana analizirati prostorne mogućnosti
- Inicijativa razmotrena, trenutno nije moguća za realizaciju, ali će se kod novih gradnji poslovnih zona uzeti u obzir i ova mogućnost, a zavisit će od raspoloživih sredstava.

Tematska VII. sjednica SLER-a održana je 28.03.2017.godine u skladu sa predviđenim planom za 2017.godinu. Sjednica je bila proširenog karaktera i prisustvovalo je ukupno 20 članova, od čega 10 članova SLER-a i 10 predstvanika privatnog sektora.

Na sjednici je predstavljen dokument i rezultati analize usklađenosti obrazovanja sa potrebama tržišta radne snage, te su doneseni slijedeći zaključci:

- Potrebno je formirati timove za unaprijeđenje nastavnih planova i programa. Cilj je do početka nove školske godine imati minimalno 3 nastavna programa u sektorima, koji imaju najbrži rast i potencijal
- Srednje škole sa područja općine Tešanj u naredna dva mjeseca će pripremiti plan za povećanje zastupljenosti praktične nastave izvan škole. Ispitati i dopuniti ugovore između poslodavaca i škola.
- Tokom izrade nove Strategije razvoja dodatno analizirati područja; neformalnog obrazovanja, tehnološki razvojni centara, centra za obrazovanje odraslih.
- Obezbjediti detaljne informacije o programima iz oblasti formalnog i neformalnog obrazovanja u okruženju
- U cilju promocije profesionalne orijentacije Sajam srednjih škola bolje iskoristiti u narednom periodu te dodatno osnažiti prisustvo poslodavaca.
- Izraditi akcioni plan zapošljavanja na području općine Tešanj

Aktivnosti po zaključcima:

- Formirani su timovi za unaprijeđenje nastavnih planova i programa, te su održana dva sastanka, 04.05. i 17.05. 2017.godine što je dokumentovano i zapisnicima. Na prvom tematskom sastanku je prisustvovalo 5 članova, a na drugom 7. Dalji sastanci nisu održavani

zbog nepostojanja odziva od strane privatnog sektora i interesa za daljim sastancima i aktivnostima. Cilj nije ispunjen i nisu predloženi novi nastavni programi.

- Srednje škole su povećale zastupljenost praktične nastave van škole kroz potpisivanje ugovora sa novim poslovnim subjektima za obavljanje praktične nastave. Po prvi put i Srednja tehnička škola je ostvarila saradnju sa Mann Hummel BA, te potpisala ugovor o praktičnoj nastavi za učenike
- U Strategiju Općine kao strateški cilj postavljen uspostava Tehnološkog centra. S ciljem podizanja interesa prema tehničkim zanimanjima, Općina je u strategiju uvrstila i projekat Promocija tehničke kulture na području općine Tešanj. Navedeni projekat treba da kroz odgovarajuće aktivnosti učenicima osnovnih i srednjih škola približi tehnička zanimanja. Takođe, od 2018.godine usvojena je odluka koja daje priritet pri stipendiranju studenata na tehničkim fakultetima, prvenstveno studentima mašinstva, elektrotehnike i građevine.
- Informacije o programima iz oblasti formalnog i neformalnog obrazovanja istražene i biti će objavljene kroz studiju izvodljivosti o Preduzetničkom centru za firme. Studija će biti prezentovana pred predstavnicima lokalne privrede, obrazovnih institucija i Općine. Nakon prezentacije Studija će biti dostupna i široj publici.
- Izrađen Akcioni plan zapošljavanja, formalno još uvijek nije završen jer se očekuje usvajanje istog od strane članova SLER-a u toku 2018.godine

Nove inicijative:

- Izgradnja treće trake na relaciji Jelah-Tešanj

Aktivnosti po inicijativi:

- Inicijativa razmotrena, ali s obzirom da se planirala izgradnja nove saobraćajnice kroz poslovnu zonu Glinište, koja je praktično zaobilaznica koja će doprinijeti rasterećenju lokalnog puta na relaciji Tešanj-Jelah, zaključeno je da potreba za izgradnjom treće saobraćajnice trenutno ne postoji. Ista je usvojena u Strategiju razvoja u decembru 2017.godine, te kandidovana dopisom prema nadležnoj instituciji za regionalne ceste (Direkcija cesta ZDK)

VIII. sjednica je održana 08.09.2017.godine uz prisustvo 11 članova.

Na sjednici je predstavljen novi Regulacioni plan za poslovnu zonu Glinište i aktivnosti koje su poduzete na uređenju poslovne zone, te informacija o Poslovnim idejama za mlade.

Doneseni su slijedeći zaključci:

- Prilikom izgradnje saobraćajnice kroz PZ Glinište voditi računa o adekvatnom priključku na regionalne puteve
- Projektni tim za RP Glinište u planu treba opisati rješavanje oko korita rijeke Radušice radi smjernica i uputa za buduće aktivnosti
- Prespitati kriterije i opcije raspisivanja javnog poziva Poslovne ideja za mlade

Aktivnosti po zaključcima:

- Uređena kanalizacija u PZ Glinište i izgrađena saobraćajnica koja odgovara potrebama teretnog saobraćaja. Priključak na regionalnu cestu isprojektovan i izgrađen (općina i ZDK), priključak na magistralnu cestu kandidovan i prema trenutnim informacijama od strane Direkcije za ceste ZDK u postupku projektovanja.
- Preispitani i uvedeni novi kriteriji u Javni poziv za Poslovne ideje mladih. Novi kriteriji, u odnosu na prethodne programe sufinansiranja Poslovnih ideja za mlade, obuhvataju:
 - o Aplikant na Javni poziv mogu biti nezaposlena i zaposlena fizička lica
 - o Subvencioniranje troškova nabavke opreme
 - o Subvencioniranje troškova nabavke repromaterijala
 - o Subvencioniranje troškova opremanja i uređenja poslovnog prostora.

Nije bilo novih inicijativa.

IX. sjednica SLER-a koja je planirana za održavanje u 2017.godini sazivana je 3 puta, ali zbog nepostojanja kvoruma, a uzimajući i obzir kraj poslovne godine, usvajanje Strategije općine, pripremu Bužeta za 2018.godinu, gdje su više puta sazivane različite sjednice koje su zahtjevale uključivanje privatnog sketora, nemogućnost prisustva većine članova SLER-a koji dolaze iz privatnog smatra se opravdanom. Sjednica je održana u 2018.godini.



Presjedavajući SLER-a

Mr.sc. Suad Huskić, profesor